

Arkivnr: 2019/11170-1
Saksbehandlar: Toralf Rutledal

Saksframlegg**Saksgang**

Utval	Møtedato
Fellesnemnda-AU	13.05.19

Markeringar knytt til etableringa av Vestland fylkeskommune i 2019/2020**Samandrag**

Etableringa av Vestland fylkeskommune markerer eit vasskilje i regionen, og ringverknadane vil merkast både i og utanfor dei framtidige fylkesgrensene. Prosjektleiar vil difor legge ein plan for markeringar og større hendingar knytt til etableringa, og for korleis desse skal kommuniserast på ein heilskapleg måte.

Konstitueringa av fylkestinget for Vestland 14.–16. oktober er ein viktig milepål for prosjektet, med ei offisiell markering av det nye fylkestinget i Håkonshallen som eit naturleg høgdepunkt. Det er naudsynt å få lagt fast dei sentrale elementa for møte og seremoni, for å kunne få på plass naudsynte detaljar i program, gjestelister og sakslista.

Forslag til vedtak

Med grunnlag i FN-AU sine merknader til saksframlegget, får prosjektleiar fullmakt til å arbeide vidare med tiltak for markeringar og informasjon i samanheng med innføringa av Vestland fylkeskommune.

Rune Haugsdal
prosjektleiar

Saksframlegget er godkjent elektronisk og har derfor inga underskrift.

Prosjektleiar, 07.05.2019

1.0 Bakgrunn for saka

Som ny fylkeskommune trer Vestland fylkeskommune i kraft frå 1.1.2020. Det nye Vestland fylkesting vil bli konstituert i oktober 2019, og har vedtakskompetanse for saker med verknad frå 1.1.2020.

I PS 24/2019 gav fellesnemnda arbeidsutvalet (FN-AU) fullmakt til å fastsette rammer og opplegg for markering av Vestland fylkeskommune i 2019/2020. I tråd med dette vedtaket, legg prosjektleiaren fram forslag til aktivitetar og tiltak for slik markering av den nye fylkeskommunen.

Det vert også arbeidd med ein overordna kommunikasjonsplan for alt av aktivitetar knytt til at Vestland fylke trer i kraft. Denne planen vil også søke å avstemme desse aktivitetane med det som eventuelt skal gjerast av markeringar av at dagens to fylkeskommunar avviklast frå årsskiftet 2019/2020.

I første omgang legg prosjektleiar opp til ei markering av den nye fylkeskommunen i Håkonshallen i samband med konstitueringa av det nye fylkestinget i oktober 2019.

2.0 Markeringar 2019-2020: Overordna plan

Prosjektleiar er i gong med ein overordna kommunikasjonsplan for alle aktivitetar knytt til at Vestland fylke trer i kraft. Målet med denne planen, er at alt av aktivitetar og hendingar knytt til opprettinga vert sett inn i ein større samanheng, for å sikre eit heilskapleg inntrykk. Planen vil fange opp både interne og eksterne aktivitetar.

Tabellen under syner dei mest sentrale hendingane og markeringane knytt til at Vestland fylke trer i kraft, både før og etter 1. januar 2020. Dette vil danne utgangspunktet for vidare planlegging av kommunikasjonsaktivitetar. Oversynet er ikkje uttømande, men er meint å gje eit inntrykk.

Tid	Kva	Detaljar
Før fylkestingsval	Kampanje for å få sikre valdeltaking for den nye fylkeskommunen	Samarbeid for annonsering i samarbeid med andre fylkeskommunar.
9. september	Val	Første val av fylkesting i Vestland.
September – årsskifte	Innbyggjar-informasjon: Tiltak for å nå nøkkelgrupper med viktig informasjon om overgang frå dagens fylkeskommunar til Vestland.	<ul style="list-style-type: none"> • Annonsering • Møter • Redaksjonell omtale
14.-16. oktober	Konstituering nytt fylkesting	Markering i Håkonshallen 15. oktober.
2020		
1. januar	Vestland fylkeskommune trer formelt i kraft.	
Januar/første halvår	Markeringar eksternt og internt	Det vert lagt opp til aktivitetar som femner om både innbyggjarar og tilsette.

3.0 Førebels saksliste til konstituerande fylkesting 14.–16. oktober

Fylkestinget 14.–16. oktober må gjere vedtak i ei rekke formelle saker, til dømes val av fylkesordførar, fylkesvaraordførar, fylkesutval og kontrollutval. Her er ei opplisting av slike saker, som truleg vil vere på dagsorden til fylkestinget. Dette er ikkje ei uttømande liste, og rekkefølja på sakene vil først vere klar ved utsending av innkallinga.

- Fylkestinget si samansetting i perioden
- Reglement for politisk og administrativ arbeidsdeling
- Val av fylkesutval
- Val av fylkesordførar og fylkesvaraordførar
- Val av kontrollutval
- Oppretting av valnemnd
- Politiske reglement
- Forretningsorden
- Reglement for godtgjøring for folkevalde og partigrupper
- Innsynsreglement
- Gåver
- Registrering av verv og økonomiske interesser
- Reglement for råd
- Eldreutval
- Råd for likestilling av menneske med nedsett funksjonsevne
- Integreringsråd
- Val av medlemmer og vara-medlemmer til hovudutval
- Val av fylkesvalstyre
- Val av adm.utval
- Val av klagenemnd

Samlinga i Håkonshallen vert reint seremoniell, der hovudelementa vil vere utnemninga av nytt fylkesting og fylkesordførar. Val av fylkesordførar og fylkesvaraordførar med meir, må vere avklara før seremonien i Håkonshallen tek til.

4.0 Konstituering av fylkesting for Vestland, Bergen, Hotel Norge, og markering i Håkonshallen 14.–16. oktober

For å sikre at det er tilstrekkeleg til saksbehandling, føreslår prosjektleiar at fylkestingsmedlemmene startar med gruppemøte på Hotel Norge ettermiddag/kveld måndag 14. oktober.

Gjestelista skal innehalde representantar frå sentrale aktørar i Vestland, og det vert sendt invitasjon til regjering/statsminister.

Tentativ køyreplan – 14.–16. oktober:

Dato/klokkeslett	Stad	Kva skjer	Detaljar/avklaringar
Måndag 14. oktober			
1600-	Hotel Norge	Gruppemøte	Gruppemøte vert føreslått lagde til måndagen for å sikre at det er tid nok til å behandle alle saker. Partia organiserer dette sjølv.
Tysdag 15. oktober			
0900	Hotel Norge	Møte setjast	Saker som krev vedtak før seremonien i Håkonshallen vert lagde først på dagsorden.
1200-1300		Lunsj	
1300-1430		Møte fortset	
1600-1900	Håkonshallen	Seremoni	Kulturinnslag: <ul style="list-style-type: none"> Innslag frå dagens to fylkeskommunar
		Fotografering	Seremoni: <ul style="list-style-type: none"> Seremoni for innsetting av ny fylkesordfører og fylkesting Fotografering Talar og helsingar
		Beverting	
		Transport	
		Media: Ein legg til rette for at media kan overføre direkte	Tentativ gjesteliste – det er plass til 290 gjester: <ul style="list-style-type: none"> Statsminister/representant for regjering Stortingsbenk Eksisterande fylkesting i Hordaland og Sogn og Fjordane Fylkesmann Ordførarar i kommunar i Hordaland og Sogn og Fjordane Statlege etatar Tidlegare fylkesordførarar og rådmenn Universitet og høgskular Leiarar i dagens fylkeskommunar Fylkesordførarar i Vestlandsrådet Nærings- og kulturliv Organisasjonsliv
		Video-overføring	Gåver til deltakarar
1730 -	Håkonshallen	Middag	
Onsdag 16. oktober			
0900	Hotel Norge	Møte fortset	
1100 -1200		Lunsj	
1200 -		Møtet fortset	Møtet held fram til saksbehandlinga er ferdig.